



Bájkkeavijssa NuorttaSálto

Aktan julevsáme oahppamnævojo diehti

Tæksta: Ingar N. Skogvold
Järggálibme: Divte Media AS



Ájluovta skávlá ressursaskávlán sjaddá. Drag skole blir ressurskole

Sámedigge ájggu Ájluovta skávláv julevsáme guovlo ressursaskávlán dahkat, ja Divtasvuona áhpaduslihtto le guovdásj áhpaduslihtov maŋen oadtjum oajvvadittjat rievddadusáv áhpaduslágan ávkken julevsáme oahpponævvobuvtradibmáj.

Áhpaduslihtto miejnni sáme oahppamnævojn birriji liehket sæmme ævto gá oahpponævo girjedadrogiellaj ja áddádrogiellaj. Sáme oahppij nievres oahppogirjedile diehti le girje diehtodepartemæntaj rájaduvvam gánná ájggu rievddadit áhpaduslágav vaj oahppogirje/ oahpponævo daj gálmma sámeogiellaj nuorttasámeogiellaj, oarjelsámeogiellaj ja julevsámeogiellaj li sæmme ævto dagu oahppogirje girjedadrogiellaj ja áddádrogiellaj. Departemænnta javllá 23. Stuorradiggediedádusán Giella rávijt tsieggi (2007-2008), vuodoáhpados julevsámeogiellaj le ájnas vaj sámeogiella galggá sáhka- ja tjállemgiellan bissot, masi áhpaduslihtto guorras. Lihto mielas le ájnas ulmme lasedit lágov oahppijs ma sámeogiellaj válljiji, ja vaj departemænnta viertti oassálasstet rievddadusáv oahppoplánan vaj áhpadibme sámeogiellaj aktisattjat nanniduvvá. Jus dájna vuorbástuvvat de le dárbbu oahpponævojt ja oahppoplánajt sámeogiellaj buvtadit aktisattjat dárogiellaj. Dáv vaj sáme oahppe galggi sæmmiárvvusasj

fálaldagáv oadtjot ja giella árvov nannit.

28. Stuorradiggediedádusán Sámepolitihkka (2007-2008), ráddidus tjalmostahtá sierraláhkáj man ájnas le sámeogiellaj almulasj háldadusán ja dievnumin nannit. Ráddidus le bivddám sámedikkev aktisasj barggugj sámeogiella doajmmaplánav buvtátjit, vaj vuojnni állesvuodav udnásj bargos mij viertti tjadádusáv sámeogiellaj. Vaj sámeogiella galggá bisoduvvat viesso giellan, giella viertti dájmalattjat aneduvvat. Jus galggap dájna vuorbástuvvat de le dárbbu fálaldagájs sámeogiellaj mánárgárdijn ja skávlájn, ja jut dile hiebaduvvi dasi. Guokta jage máhtudahkaláptima álgo maŋela li ilá binná oahppogirje/ oahpponævo daj gálmma sámeogiellaj. Áhpaduslihtto miejnni sáme oahpponævojn stuorámus mærráj birriji liehket sæmme ævto gá oahpponævo girjedadrogiellaj ja áddádrogiellaj. Divtasvuona Áhpaduslihtto njunnusj, Odd N. Jensen, sávvá dájna oajvvadusájn máhtti jáhtelappot

barggat julevsáme oahppogirjij/ oahpponævojt buvtadimijn, mij sjaddá julevsáme álmugij viehka ájnas.

Sámedigge oajvvát Ájluovta skávlá Divtasvuonan galggá julevsáme guovlo ressursaskávlá liehket. Dan diehti Sámedigge ájggu 2 millijávná gæhttalimprosjæktaj juollodit. Skávlá oattjoj 70 000 krávná ávdebut dán tjavtja plánitjit ressursaskávlá tjadádimev. Ressursaskávlá galggá julevsáme oahpponævojt buvtadit ja fállat guhkásáhpadimev julevsámeogiellaj. Áhpadusnævo galggi aj juogeduvvat web-bielen.

Maŋenagi ájggu Ájluovta skávlá fállat áhpadusgárvvidusájt sáme ássij birra ietjá vuodoskávlája ja ávddánahttet aktisasj barggoprojektaj vuodoskávláj svieriga bielen. Ájluovta skávlá le guovtekultuvralasj, dárogiellaj ja sámeogiellaj sæmmiárvvusasj áhpadusgiellan. Skávlán li 102 oahppe skávlájage 2007/2008, ja skávlá le sihke mánáj- ja nuorajskávlá. Skávlán li 11 klássa, gánná 8 li dárogiellaj ja 3 li sámeogiellaj.



Divtasvuona Áhpaduslihtto njunnusj, Odd N. Jensen. Leder i Utdanningsforbundet Tysfjord, Odd N. Jensen